

आकाशवाणी

- 1^० राष्ट्रपति द्रौपदी मुर्मू होर अज्जै थमां दऊं दिनें दे उत्तर प्रदेश दे दौरे पर होंगन।
2. गृहमंत्री अमित शाह होरें थेआर चुककी रखने आले मोआवादिएं कन्नै गल्लबात दी संभावना गी खारज करी दित्ता ऐ।
3. यूजीसी नै आईआईटी, आईआईएम ते अलीगढ़ मुस्लिम यूनिवर्सिटी सनें 89 संस्थानें गी रैगिंग पर रोक सरबन्धी नियमें दी पालमा नेड् करने पर नोटिस जारी कीता ऐ।
4. महाराष्ट्र सरकारै स्कूलें च त्रै भाषा नीति गी परताइ लैता ऐ ते एहदे पर नमें सिरैया विचार लेइ इक कमेटी खडैरी ऐ।
- 5^० कैलाश मानसरोवर यात्रा 5^० ब'रें दे वक्फे दे बाद अज्जै थमां शुरू होआ'रदी ऐ।
6. 20^० ब'रे दे आयुष शेड्टी नै यूएस ओपन बैडमिंटन च बीडब्ल्यूएफ विश्व टूर खिताब जित्तने आला पैह्ला भारतीय बनने दा रिकार्ड कायम कीता ऐ।

<><><><><>

President

राष्ट्रपति द्रौपदी मुर्मू होर अज्जै थमां उत्तर प्रदेश दे दऊं दिनें दे दौरे पर रौंहगन। ओह बरेली च भारतीय पशु चिकित्सा अनुसंधान संस्थान दे 11^० दीक्षांत समारोह च हिस्सा लैंगन। राष्ट्रपति होर कल गोरखपुर च महायोगी गुरु गोरखनाथ आयुष विश्वविद्यालय दा उद्घाटन करगन। इस दरान ओह गोरखपुर दे गोरखनाथ विश्वविद्यालय बी जांगन, जित्थें ओह एहदे ऑडिटोरियम, अकादमिक ब्लॉक ते पंचकर्म केन्द्र दा उद्घाटन करने दे कन्नो कन्नी इक नमें गर्ल्स हॉस्टन दा नीह पत्थर बी रखगन।

<><><><><>

PM-MKB

प्रधानमंत्री नरेंद्र मोदी होरें आखेआ ऐ जे सेहत थमां लेइयै समाजी सुरक्षा तगर देस सबै क्षेत्रें च तेजिया कन्नै अगो बदा करदा ऐ। आकाशवाणी थमां मन की बात काजक्रम च श्री मोदी होरें अंतरराष्ट्री श्रम संगठन आई.एल.ओ दी रिपोर्ट दा जिक्र कीता जेहदे च आखेआ गेआ ऐ जे भारत च मते सारे लोकें गी कोई न कोई समाजी सुरक्षा थोआ करदी ऐ। उनें गलाया जे सरकार दियें हालिया कामयाबियें कन्नै लोकें च एह भरोसा पैदा होआ ऐ जे औने आहला समा बेहतर होग ते भारत हर मामले च होर बी मजबूत बनिये उभरोग। प्रधानमंत्री होरें विश्व सेहत संगठन डब्ल्यू.एच.ओ दी रिपोर्ट दा बी जिक्र कीता जेदे च भारत गी अक्खियें दी बमारी ट्रैकोमा थमां मुक्त घोषित कीता गेआ। उनें गलाया जे एहदे खात्मे च स्वच्छ भारत अभियान ते जल जीवन मिशन कन्नै बी मदाद थोई ऐ।

<><><><><>

HM

केन्द्री गृहमंत्री अमित शाह होरें आखेआ ऐ जे थेआरबंद माओवादिएं कन्नै कुसै बी चाल्ली दी गल्लबात नेई कीती जाग। उनें तेलंगाना दे निजामाबाद च करसान सम्मेलन गी संबोधत करदे होई आखेआ जे जनजातिएं, पुलकर्मिं ते सुरक्षाकर्मिं दी हत्या करने आले कन्नै कोई बी गल्लबात नेई होइ सकदी। गृहमंत्री होरें वामपंथी उग्रवादिएं गी थेआर छोड़ियै मुखधारा च शामिल होने दा आह्वान कीता। श्री शाह होरें 31 मार्च 2026 तगर भारत गी उग्रवाद शा मुक्त करने दे केन्द्रदे धेइयै गी पही पक्का कीता।

उन्हें शैंका जताई जे कांग्रेस पार्टी देश भर शा नस्से दे माओवादिएं गी तेलंगाना च पनाह देई सकदी ऐ। श्री शाह होरें मुखमंत्री ए.रेवत रेड्डी होरें गी आखेआ जे ओह तेलंगाना गी माओवादिएं दा अड्डा नेई बनन देन।

<><><><><><>

UGC

विश्वविद्यालय अनुदान आयोग “यूजीसी” नै रैगिंग पर रोक लाने सरबंधी विषय दी पालमा नेई करने पर 4 आईआईटी , 3 आईआईएम ते अलीगढ़ मुस्लिम यूनिवर्सिटी समेत मुखे दे 89 संस्थानें गी नोटिस जारी कीता ऐ। 2009 बरें आले, यूजीसी दे रैगिंग सरबंधी नियमें मूजब हर इक संस्थान गी विद्यार्थिओं कोला रैगिंग नेई करने ते इत्त सरबंधे कुसै बी गतिविधि च शामिल नेई होने, बारे दाखले दे टैम गै लिखवाइए लैना लाजमी ऐ।

<><><><><><>

Maharashtra Cabinet

महाराष्ट्र सरकार नै स्कूलें आस्तै त्रऊं भाषाएं आली नीति वापस लेई जैती ऐ। राज्य विधानसभा दे मानसून सत्र दी पूर्व संध्या पर कल मुंबई च इक प्रेस कॉन्फ्रेंस च मुखमंत्री देवेन्द्र फडणवीस होरें आखेआ जे राज्य मंत्रिमंडल नै त्रऊं भाषा आली नीति गी लागू करने आस्तै जारी कीते गेदे आदेश गी वापस लैने दा फैसला कीता ऐ। उन्हें इस मामले च सुझाह आस्तै शिक्षाविद नरेन्द्र यादव हुंदी अध्यक्षता च इक समिति गठित करने दी बी घोषणा कीती। श्री फडणवीस होरें दस्सेआ जे राज्य दे साबका मुखमंत्री उद्धव ठाकरे होरें कक्षा इक थमां 12मीं तगर त्रै भाषा आली नीति लागू करने आस्तै डॉ. रघुनाथ माशेलकर समिति दी सिफारश गह मन्नी लैता हा ते नीति कार्यान्वयन आस्तै इक बक्खरी समिति खड़ेरी ही।

<><><><><><>

Kailash Mansarovar

कैलाश मानसरोवर यात्रा 5एं बरें दे वक्फे दे बाद अज्जै थमां शुरू होआरदी ऐ। कोरोना महामारी कारण 2020 च इस यात्रा गी रोक दीत्ता गेआ हा। इस बरें एह यात्रा सिक्किम च लिपुलेख पास दे रस्तेया चलाई जाग। पिदेश मंत्रालय मूजब एह यात्रा जून, जुलाई ते अगस्त महीने च जारी रौहग। कैलाश पर्वत गी शिवें दा निवास मन्नेआ जंदा ऐ। सिक्किम सरकार तीर्थयात्रिओं दी सुरक्षा ते सुविधा जमीनी बनाने लेई लोडचदे सब्बे प्रबंधन करै करदी ऐ, जिंदे च बुनियादी ढांचे दा विस्तार, बत्तै ठैहरने सकने ते उत्थूं दे मौसम साबै अपने आपगी ढालपे लेई बनाए गेदे केन्द्रें दी बवस्था जकीनी बनाना ऐ।

<><><><><><>

EAM

विदेश मंत्री डॉ. एस.जयशंकर अज्जै थमां त्रऊं दिनें दी अधिकारिक यात्रा पर अमरीका जा करदे न। ओह उत्थूं दे विदेश मंत्री मार्को रूबियो हुदं साददे पर कल लगने आली क्वाड मुख्खें दे विदेश मंत्रिओं दी बैठक च हिस्सा लैगन। पिदेश मंत्रालय नै आखेआ ऐ जे क्वाड ग्रुप स्वतंत्र ते खुले “हिंद प्रशांत” क्षेत्र लेई इक सांझे नजरियै गी अगड़े बधाने दे नमें प्रस्तावें पर ध्यान दिंदे होई विचार बंटादरा करगन। ध्यानजोग ऐ जे इस बैठक च आतंकी गतिविधिओं दे दुनिया च तबाही मचाने आले असर दे कन्ने कन्नी इस समस्या कन्ने निबड़ने दे तौर तरीके पर बी गल्लबात होग, टकोहदा करिसै पहलगाम दी पछोकड़ै च। डॉ. जयशंकर होर न्यूयार्क च संयुक्त राष्ट्र मुख्यालय च “इ ह्यूमन कॉस्ट ऑफ टेरिज्म” विषय पर इक नमैश दा बी उद्घाटन करगन।

<><><><><><>

Om Birla-CPA

लोकसभा अध्यक्ष ओम बिरला अज्ज धर्मशाला दे तपोवन च राष्ट्रमंडल संसदीय संघ-सी.पी.ए संघ दे जोन-2 वार्षिक सम्मेलन दा उद्घाटन करडन। इस जोन च दिल्ली, हरियाणा, हिमाचल प्रदेश, जम्मू-कश्मीर ते पंजाब शामिल न। इस सम्मेलन दा मकसद समकालीन समे च लोकतांत्रिक संस्थाने गी सशक्त बनाना, श्रेष्ठ कार्य प्रणालिये गी साझा करना ते शासन ते विधायी कार्य आसतै नमें तरीके गी तलाशने सरबन्धी इक्क महत्वपूर्ण मंच दे रूप च सेवा प्रदान करना ऐ। इस सम्मेलन दी थीम-डिजिटल युग च सुशासन: संसाधने दा प्रबंधन, लोकतंत्र दी रक्षा ते नवाचार गी अपनाना ऐ।

<><><><><>

IAEA

संयुक्त राष्ट्र दी परमाणु निगरानी संस्था दे प्रमुख हाल च गै अमरीका दे ब्हाई हमले च ईरान दे परमाणु कार्यक्रम गी तबाह कीते जाने दे दावे पर शँका जाहर कीती ऐ। इक टीवी चैनल गी दित्ते गेदे इंटरव्यू च अंतर्राष्ट्रीय परमाणु ऊर्जा अजेंसी आईएईए दे महानिदेशक राफेल ग्रॉसी होरे आखेआ ऐ जे अजे बी ईरान कश किश म्हीने दे अंर यूरेनियम संवर्धन परतियै शुरू करने दी छमता मजुद ऐ। उनें आखेआ जे अमरीकी ब्हाई हमले कन्ने इसी खासा नुक्सान होआ हा पर एह हमले इसी पूरी चाल्ली तबाह नेई करी सके हे। आईएईए दे इस ब्यान कन्ने अमरीकी राष्ट्रपति डोनाल्ड ट्रंप हुदे बारे बारे दित्ते गेदे ब्याने दे झूठे होने दा सबूत मिलदा ऐ। जेहदे च उनें ईरान दे इनें ठकाने गी पूरी चाल्ली तबाह करने दा दावा कीता हा।

<><><><><>

Weather

मौसम विभाग नै अज्ज झारखंड दे बक्ख-बक्ख हिस्से च तेज बरखा ते 5 जुलाई तगर ओडिशा, बिहार, मध्यप्रदेश ते छत्तीसगढ़ च बक्ख-बक्ख थाहरे पर भारी बरखा बरने दे आसार दस्से न। मैहकमे मूजब अज्ज चंडीगढ़, दिल्ली, हिमाचल प्रदेश, कोंकण, गोवा, मध्य महाराष्ट्र, पंजाब, उत्तर प्रदेश, उत्तराखंड ते विदर्भ च बी इससै चाल्ली दी स्थिति बनी दी रौहने दा इमकान दस्सेआ गेदा ऐ। अज्ज अरुणचल प्रदेश, असम, मेघालय, नागालैंड, मणिपुर, मिजोरम, त्रिपुरा, पच्छिम बंगाल ते सिक्किम दे बक्ख-बक्ख हिस्से च बी भारी बरखा बरने दी पेशगोई कीती गेदी ऐ।

<><><><><>

Badminton

बैडमिंटन च आयुष शेट्टी होरे यूएस ओपन 2025 जित्तियै इस सीजन च विश्व बैडमिंटन संघ बीडब्ल्यूएफ वर्ल्ड टूर दा खिताब जित्तने आले पैहले भारतीय बनियै इतिहास रची दित्ता ऐ। आयुष ल। फाइनल च कनाडा दे ब्रायन यांग गी 21-18, 21-13 कन्ने हराया। एहदे शा पैहले सैमीफाइनल च आयुष नै दुनिया दे 6में नंबर दे खडारी चोउ टिएन चेन गी हराइयै बड्डा उल्टफेर कीता हा। हालांके प्रतियोगिता दे महिला एकल च तन्वी शर्मा फाइनल मकाबले च जित्त दर्ज नेई करी सकियां। ओह शीर्ष वरीयता आली खडारन बेईवेन झांग दे खलाफ त्रै गेमें दे सख्त मकाबले च 11-21, 21-16, 10-21 कन्ने हारी गेइयां।

<><><><><>

Read: Kunal Shrivatsa

Stand By: Jagmohan Sharma

Editor : Abhilasha Sharma

D.E.O. : Mukesh Gupta

Skilled : Rajat